

নতুন ধারার দৈনিক

আমাদের সময়

পরিবেশ দূষণের প্রতিবাদে উত্তরা ইউনিভার্সিটির শিক্ষার্থীদের মানববন্ধন

০৮ অক্টোবর ২০২৪, ০৯:৫৯ এএম
অনলাইন ডেস্ক

Source: www.dainikamadershomoy.com



তুরাগ নদী দখল, ইউনিভার্সিটি সংলগ্ন এলাকায় ধূলাবালির প্রভাব ও অপরিষ্কৃত বালু উত্তোলনের মাধ্যমে পরিবেশ দূষণের প্রতিবাদে মানববন্ধন করেছে উত্তরা ইউনিভার্সিটির কয়েক হাজার শিক্ষার্থী। গতকাল সোমবার ক্যাম্পাস সংলগ্ন এলাকায় এ মানববন্ধন ও ক্যাম্পাসের আশপাশে পরিষ্কার-পরিচ্ছন্ন করেছে শিক্ষার্থীরা।



মানববন্ধন থেকে শিক্ষার্থীরা জানায়, ক্যাম্পাসের পাশে অপরিবর্তিতভাবে বালু উত্তোলনের ফলে শিক্ষার্থীরা স্বাস্থ্য ঝুঁকিতে রয়েছে। পড়ালেখার বিঘ্নতার পাশাপাশি শ্বাস কষ্টসহ নানান রোগে আক্রান্ত হচ্ছে বিশ্ববিদ্যালয়ের শিক্ষক, শিক্ষার্থী ও অভিভাবকরা।

স্থানীয় হোটেল ব্যবসায়ীরা অভিযোগ করে বলেন, এদের কারণে আমরা ঠিকমতো খাবার বিক্রি করতে পারি না। প্রচুর ধুলাবালি খাবারে এসে পড়ে। এ ছাড়া, বালু উত্তোলনের সময় রাস্তা একাধিক ট্রাক দাঁড়িয়ে থাকার কারণে যানজট সৃষ্টি হয় ও প্রায়ই দুর্ঘটনা ঘটে।

এ সময় উপস্থিত ছিলেন বিশ্ববিদ্যালয়ের উপাচার্য অধ্যাপক ড. ইয়াসমীন আরা লেখা, উপ-উপাচার্য অধ্যাপক ড. গৌর গোবিন্দ গোস্বামী ও অন্যান্য শিক্ষক।